

30.09.2006

Ponowjena gratownja wohnjoweje wobory	Erweiterung des Feuerwehrhauses von Radibor
Spočatk lěta 2005 bě gmejna Radwor próstwu wo spěchowanske srědki za rozšěrjenje a ponowjenje gratownje wohnjoweje wobory stajiła. W nowembru přińdže připrajenje spěchowanskich srědkow a 12.01.2006 bě hižo „Prěni zaryw“. Zběhanka móžeše so 12.05.2006 swjećić. K tomu dóńdže za gmejnu přewšo zwjeselaca informacija, zo njespěchuja so jenož přenjtne připrajene 50 % cyłkownych wudawkow 575.000 €, ale samo 69 %! We wobłuku twarskich naprawow nastachu dospołnje nowe sanitarne rумы a běrow za nawodu wobory. Kubłanske rumnosće buchu wobnowjene a zdžěla powjetšene, nowe moderne tepjenje na bazy zastaranja z bliskoćopłotu (100 % na biopłunoweje bazy) bu wot w gmejnej zasydleneho inwestora instalowane. Sobotu, 30.09.2006 bě potom tak daloko, zo móžeše so dospołnje ponowjeny a rozšěrjeny twar wohnjowoborneje gratownje swjatočnje swojemu wužiwanju přepodać. Nimo zastupjerjow mnohich spřecelenych woborow z wokolnych gmejnow witaše wjesnjanosta Wincenc Baberška zapósłanca Sakskeho krajneho sejma Marka Šimana (CDU) a decernenta Matthiasa Bielicha, kotryž zastupowaše krajneho radu. W swojej narěči dopominaše Baberška na lěto 1978, jako běchu wobornicy gratownju z wulkej prócu natwarili. Předewšěm wuzběhny wón tehdyšeho nawodu Gerata Šmidta. Džensa 80-lětny je swoje zastojsnstwo synej Rüdigeraj „dale dał“. Připóznawajo zaslužby Gerata Šmidta, kiž je hižo 67 lět z čonom Radworskeje wohnjoweje wobory, pomjenowachu jeho za čestneho nawodu wobornikow. Chwačanski farar Wilfried Noack a Wotrowski duchowny Tomasz Dawidowski gratownju požohnowaštaj a zakantorištaj serbsce a němsce „Tebje my Boha chwalimy“. Džěći Radworskeje AWO-pěstowarnje swjatočnosť z małym programom wobrubichu.	

start.....2006

From:

<http://82.165.187.122/> - Radibor - Chronik

Permanent link:

http://82.165.187.122/doku.php?id=30.09.2006_erweitertes_graetehaus&rev=1703527103

Last update: **2023/12/25 17:58**

